

docstoc.com
入駐商家
在文川網搜索書籍書城 获取更多電子

中國方志叢書·華北地方·第二二一號

據清·劉榮等纂修
光緒元年刊本
影印

河北省

廣昌縣志



10098764
成文出版社有限公司印行



中國方志叢書·華北地方·第二二一號

據清·劉榮等纂修
光緒元年刊本
影印

河北省

廣昌縣志



24075

成文出版社有限公司印行



中華民國五十八年 月壹一版

廣昌縣志

全二冊

發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

廣昌縣志序

夫人文漸啟由歷久而發皇地軸鍾祥亦有待
乎運會不惟天下之大勢為然即最爾邑亦何
莫不然地靈人傑代有轉移幸逢其會者苟綜
今昔而時誌之謂不足增輝乎志乘哉余自幼
時好涉獵史事輒留意於方輿形勢要害與夫
往蹟芳蹤及長而宦游燕趙間鞅掌馳驅凡所
歷山川名勝靡不採風問俗心焉誌之歲己巳

授廣昌令竊謂是邑也漢書所稱拒飛狐之口
而為歷代戰守之區民數困於兵荒治恐鄰於
凋敝膺茲民社凡衛民養民教民諸政責備甚
多整理當非易易何幸泣任後瞻謁 文廟及
書院義學皆興修未久魏煥可觀問諸兵制倉
儲尤為完備揆文奮武較他邑尤燦如焉藉非
邑有君子與有先我而為之者曷克臻此惟縣
志一書更為政典所最要披閱舊志記載闕如

而冊籍亦僅有存者詢之邑紳僉稱歷任失修
迄今已百餘年矣嗚呼時閱數傳其間因革損
益風教固殊補舊增新至繁且要烏可聽其愈
久而愈失哉雖然修志難而廣邑尤難地處極
邊掌故之留貽者少則稽考難年週兩甲事蹟
之湮沒者多則採訪難守土者非迫於簿書之
鮮暇即慮夫編刻之無資年遠因循職是之故
然為邑也宰者宜為邑也事豈容以其難而忽

諸況廣邑自改屬 畿甸以來為 秦陵風
水之重地已有年矣 國家厚其培川嶽毓其
秀險隘漸闢為康莊沙石漸開為阡陌商賈日
益集民物日益豐風氣日益上偏僻也而根本
重之邊陲也而 畿輔重之矣所難如彼而所
重又如此於此而不盡吾心惡乎盡吾心遂時
與廣文紀君等謀修輯之並屢因勘驗週歷四
鄉耳目之所及父老之所傳訪良帥名將之遺

蹤過孝子忠臣之墟墓尋幽探勝稽古證今而
欲藉修志以振勵風俗之思彌勃發而不可遏
適奉 上憲以續修通志頒示條款因並仿照
體裁增修其志即首先捐廉為闔邑倡商之紳
士靡不樂從不旬日間集有成數遂命各紳董
立局分四鄉採訪遵 郡憲趙公條款旋輯旋
錄邑孝廉李君得齡掌正誼書院駐局任事別
駕張君煥事多諳練助之編次孝廉辛君元瑾

明經梁君瑄廣文徐君知禮茂才梁君秉鈞及
諸紳等互相參考兼質之 廣文紀君更為刪
繁補略詳細校訂余亦以所聞見者一知半解
參酌其間合羣力而成一書越數月而藏厥事
呈質於 郡憲趙公并請弁數言於簡端惜未
果去任而邑紳亟擬付梓問序於余余固不敢
以述作居其功亦何敢以疏淺逃其責除已詳
前志不復贅言聊敘興修是志之顛末而甚幸

數年承乏猶及徵百餘年文獻繼歷任之闕如
者而克奏其成是役也其所以鑒往者在茲示
來者在茲為闔邑之典章者亦在茲炳烺照耀
秩然燦然是邑之光也諸大雅之贊成也余何
力之有焉 光緒元年歲次乙亥孟秋

中憲大夫知廣昌縣事東浙劉 榮謹識



庚子年

月

日

廣昌縣志序

廣邑舊志久修已百餘年矣
地與星野已定者不可更也
人物事蹟等類勢殊時異歲
有變遷倘積久而流風既邈
故

老無徵即欲增續重刊亦我嘆
考核之無據邑侯劉君嘗慮
及此而有志未逮也會省郡修

畿輔志徵邑乘以備採擇公曰

此其時矣爰集紳士籌商採訪

叅攷志分任之余以備吳學校
濫竽坐中稽古證今不禁竊
有感焉友廣昌慕爾區耳交
極邊外居萬山中每有聞知
名而茫然不知者以地遠而

偏坡也余初銓選得此閩者
咸為扼腕惜及履任見夫擁
飛狐通拒馬羣山拱翠紫壑
舒青數百里怪石奇岬應接不
暇形勢之勝為他郡所弗及又

見夫俗尚敦龐民習質樸
彬彬有太古風則此地殆不可
棄而可取自維不才無學潦
倒半生不得已末奉尼山
香火嗜饜菜味枕石頭眠羅

docsriver 文川网
入驻商家 古籍书城

在文川网搜索古籍书城 获取更多电子书

仕猶隱迺仍流連不忍掛冠去
別以風景之繫人者深也至
於脉連

陵寢靈秀所鍾前序基詳無事
捭括重敏畫既成將付剞劂

此邑侯倡辦之功諸君子贊
襄之力自愧弗克稍効綿
薄第埋首數年躬逢至盛
姓名得附簡冊以俱傳亦一
時之幸遇也爰贅數言於

左聊以誌山川跋陽。歷不
虛此一遊也夫

奉直大夫廣昌縣教諭古燕
廣陵紀朋陵謹識并書



舊志序

明知縣三韓劉世治凝菴

粵稽郡邑之有志所以載山川之形勢風俗之美惡
人物之盛衰節氣之先後星宿之次舍與夫古蹟寺
觀天寶物華不甯惟是又仁孝節義所以彰徽燬於
往昔垂鑒戒於來茲蓋與國史家乘並重而不可缺
遺今觀風問俗者一開卷而燦若指掌廣昌之志書
前之有無皆不可知惟於戊辰歲繇秦之耀庠推知
是邑有禮書往迎乃進城圖一幅憲綱一冊問之曰
何無志書答曰從來無有竊訝而疑之是邑壤地雖

小猶是中土文獻之邦也何獨於志而無之無何至境謁廟畢縉紳暨青衿來會不佞起而請曰斯亦禮教地也何無志書諸君齊聲唯曰原無一客起而對曰雲中自石晉蹂躪以來得失不常典籍散逸他亦盡知卽相近之靈邱亦未有志不佞竊自思曰此亦闕典哉凡事有可舉奚必古今有此一郡之要典夫豈異人任奈何當吾世而令其久湮哉惟於公餘徧詢左右又詢之鄉賢士大夫與夫父老數月間得其大略敘成數帙不理不倫恐貽後人羞然渡津者必問之水濱稽古者必考之宿儒欲知一邦之實蹟必

求之此邦之文獻惟是執而質之趙君君卽欣然以爲已任叅互考訂不數日而書成焉復與學博吳君共較閱之又得孫冀二生贊成焉此誌較之他郡多所未備蓋不敢無知妄作略存什一於千百云爾其所爲補其闕略而潤色之者以俟後之君子

舊志序

明訓導休甯吳繼誠永陽

邑之有志卽國之廣輿紀家之乘典至重也其所載山川勝概物華古蹟土俗民風其小者也至表孝旌忠褒節獎義昭激勸示不妄較明廷華袞殆綦迥焉

蓋其事乃耳目所覩記故老所傳聞一經載籍觸目
憬然擦撥心花興起懿好非他籍比其關政治何如
故留心政本振勵鴻猷者必加意也廣昌雖附邊關
猶近內地且路當衝要人文絡繹溯觀涑源又是中
都右臂以故風氣遒勁人多挺杰異能奇材代不乏
人邑侯劉君戊辰臘以廣文陟蒞茲土余亦承乏學
校相與採訪芳踪較閱人文眺覽佳勝竊嘗褒其彬
蔚又見劉君天資樸茂德厚政龐越明年百廢俱興
治績煌燦巡方使者已上其最於當二喬轉名郡計
在旦暮一日謂邑志不修良吏之闕乃屬之邑人士

趙君諱文耀稿成以示不佞校且命一言以弁其首
余直述巔末取激勸二義愆慝君侯願君侯急付剖
劂以垂來茲行見吏治光風俗美用以備觀風者博
採是則余之志也是爲序

舊志小引

邑人趙文耀卿雲

從古天子有玉牒列國有史郡邑有志宗有譜家有
乘游有記事有錄故海內凡城域疆里以泊名山勝
川洞天福地咸有簡策以傳其一方之概俾千載下
得耳而目之何處何事跡也我廣昌雖一邊陲彈丸

邑無他奇踪異事可以相傳而一方風尚民物豈不可供博覽君子以發一笑然苦於始創之遺廢也後卽欲補綴成刊恐於本來面目添設粧點則後世讀志者未免有無知妄作之誚區區此心亦祇與往事相去耳何幸邑父母劉公以牧民課士之暇相與接愚輩而切邑志之觀蓋誠採風問俗有古良牧勤行勸課思焉然縣治之歷年多矣始末詳記則難其間大略可以相質者亦何妨枚以敘之俾四方諸君子亦知我廣昌爲形方土方之所不必棄云

舊志序

知縣青浦杜登春讓水

嘗攷周禮職方氏掌天下之圖之地辨其邦國都鄙之人民與其財用穀畜之數要周知其利害此後世邑志之所繇昉也夫邑之有志遠以傳歷代沿革之建置近以表山川要害之形勝上以存賦斂匪頒之經制下以著風俗物產之土宜是志之繫於邑也亦綦重矣余出知廣昌邊鄙砂磧百緒茫然亟訪邑乘相傳有明崇禎五年所修縣志版策已爲蟲魚剝蝕大半善本無存遐考六十年中文獻罕徵人乏壺遂將何所援據以爲增補之本不禁悵結久之適奉檄

徵郡縣輿圖纂修一統志余跋涉山谷諮諏野老手
摩碑記移會鄰封筆其山川疆域製爲廣昌縣輿圖
冊說繕繪上呈史館大約本之舊志合之今時不失
尺寸也舊志乃前辛未三韓劉公所修至今辛未已
一週矣流風善政雖久必傳典故興衰若有氣運使
之者當時廣文吳君來自白嶽爲飛狐人師無他嗜
好以教導著述爲己任游目時制博稽衆言爲劉公
纂成一邑之志幸得此舊本留遺也余才政學業愧
劉公又鮮分曹纂輯者一心一手酌古準今有增無
刪傳疑傳信縱有遺亡魯豕絕無因革混淆改舊增

新皆關民生之利弊者竊比褚少孫日者龜策裴松之註三國也已嗟乎余矢志補修承乏以來九年所矣每恨卒卒無須臾暇未成一則全書屢奉更易一則關口管轄莫定一則簿書鞅掌悉索空囊期會奔走之不給一則旱稜頻仍軍興旁午賑饑轉餉之不遑安能本經貫史伸紙濡毫據三長之座成一家之言乎今瓜期伊邇唯恐留之後人貽譏缺典故於辛未之秋亟爲錄出付梓之頃又得前令王公佩琦抄本半部考訂昭合別無挂漏矣廣昌所雖隸宣府實係同城所中事蹟亦備纂入如掌故之籍甲乙之簿

docsriver 文川网
入驻商家 古籍书城

在文川网搜索古籍书城 获取更多电子书

已耳若欲筆削瑕疵規撫載乘核前賢之懿行採後
起之芳踪益潤增華則以俟博通君子是爲敘康熙
三十年歲次辛未八月穀旦

舊志序

知直隸易州事閩漳黃可潤

志者志也有志於服官者土地人民政事三者所當
居今稽古宜民善俗備志而不忘者也然山川不改
而賦役日更風化漸開則人文日盛其間因革損益
稱物平施不無待於博雅之彥留心上下理秉經酌史
採遺撫逸使教養日興循良迭奏此志之有事於時

修者余承乏宣化攝蔚州篆知廣昌舊屬蔚州地處
深山習尚樸僊人以陋視之戊寅冬

簡擢易水署有舊志二本因取而觀事既簡略文多紕繆
而梨棗半模簡篇殘缺百年來

仁風洋溢俗美刑清善績日多遺逸未載一方文獻以
深念之廣昌令趙公以新修縣志問序於余余見而
欣然喜曰君可謂留心上理者矣夫不有所廢其何
以興事有同心誰其先我細閱各卷其間如志分野
按職方以恒山入昴五度宜占畢昴此處最爲確鑿
蓋燕冀在析木燕趙向占畢昴廣昌飛狐一口原屬